



石齋文集卷之三

目錄

序

擬御製述太祖公太宗聖訓集序


壽撫軍彭公祖序

壽叅憲吳公祖序

壽太守彭公祖序

壽司李曹公祖序

壽制府朱公祖序



又壽制府朱公祖序

壽制府白公祖序

壽撫軍張公祖序

又壽撫軍張公祖序

壽撫軍郎公祖序

壽太守彭悟山公祖序

壽撫軍佟高崗公祖序

壽劉年伯序

李太孺人壽詩序

賀徐萬子捷南宮序

勸農書序

石齋文集卷之三

河內楊運昌雪嵐父著

弟

奇蘊 紫伯 席昌 蒲嵐  
廻昌 紫瀾 賜昌 錫九

全選

姪 奕紳 警菴  
奕綰 爾聖卿

同里後學

王無忝 爾迪  
李元振 貞孟  
李天馥 湘北  
張榕端 子大  
王無愆 季平

叅訂

擬御製平太祖與太宗聖訓集序

朕惟自古受命而興咸有功德以世相承故能享茲

不齊文集 卷之三  
丕基多歷年所如典謨所載尚矣商周之際訓誥不一然其旨和平其文典則垂千百代未有易者秦漢而下不少概見朕甚惜焉方朕卽位三載諸輔臣以洪武寶訓進朕嘉其義爲序而播之中外顧或遠敷求于古括而俾薄海臣庶未盡識本朝之所貴將紹聞衣德之義猶有憾歟是用夙夜祗懼不遑卽寧仰惟太祖武皇帝肇基維艱躬先百戰以闢疆宇太宗文皇帝嗣服克集前勲奉迓天庥越四十載積德累仁軼乎近代煌煌實錄旣詳之已乃若勤政

之餘垂爲聖訓凡我孫子之儀型以暨羣工之懲勸百姓之敷告罔勿洋洋而孔彰斯天球河圖未足以喻其重豈獨與關石和鈞同故府之藏邪朕觀庶姓之家弓冶云良猶能守先世貽謀以終令譽况朕奄有萬方敢不敬承以隕越于後爰命儒臣繕繹義類臚其編次僉曰大哉王言雖古誠精一而銘几牖曷以加茲庶幾與日月而齊光與鼎簠而並壽書曰監于先王成憲其永無愆朕將躬勉焉又曰無作聰明亂舊章而羣下咸敬聽勿失自今以至後昆億萬



身偕叅憲吳公郡守彭公步禱霖沛貞珉志之蓋治  
兵及乎民矣然鮑公與中丞公同起三韓萃醫閭  
鴨綠之間氣又爲廉藺密交幸而撫鎮同國胸甲帷  
籌益資往來何天中之多祐也憶中丞公節鉞下  
太行過吾河內萬民無貴賤賢愚老稚皆頂香遠迎  
抵轅門復錯趾扳旌稽首日至仁克斷日月爲心千  
仞嶽爲步如我王大父庶幾嵩室雲和黃波息颺佐  
天子萬年有道乎獨余方卧病墅居未及走轅門  
晉謁堂上顧識荆願切於萬戶侯神交者已久况懷

壤近在宸宇踰期霑惠忍弗拜崇吾奇樹而自跋丹  
筠無盡哉鮑公於余誼膠芷茲值中丞公初度屬  
余爲文以介因信治民兼兵得衆而固邦本卽元帥  
司三軍命靜兵氣以奠丕丕甚至民安於兵兵定乎  
國家其德福尚可疆耶比來吏治烝乂財阜物康櫬  
槍漸與貫索俱隱卽以吾懷彈丸黑子行上令者叅  
憲則最績將報郡守則卓異可推下而諸邑之長靡  
不各著循聲矣次及他郡大小法廉皆如河朔之河  
內孰非中丞公施利剔弊謀裕百世而文事備武

清黜陟綏山川之所貽哉 皇上冲齡改元制作維  
新既平海內外嘉與謨猷老成共登仁壽異日放歸  
牛馬穆然曰惟太平可忘戰爾將軍其胥樂兕觥朕  
其坐瀛臺以治將軍當且退讓曰闔外何力之與有  
惟 我后之德暨賢大臣之能有豫撫臣某者宰相  
才也社稷靈長若是賴然則 中丞公猶私吾腹心  
地乎余忝史事併訂禮樂將述鮑將軍衷言爲開府  
作三台頌合九如詩以進或被之管絃徐光國乘祝  
者固不寧旗端花馥云爾

壽叅憲吳公祖序

叅憲吳公以客歲庚子建牙河朔明月寶璐率璣照  
人河朔畏愛兼至顧余乙酉諸同譜時時進而教之  
憶乙酉肇行鄉舉公王父 仁軒夫子以藩長提調  
關事念多士踉蹌兵火之後囑學使張絃廣額俾無  
遺珠旣鎖闈復請之主者戒勿促使風簷各竟所長  
小誤悉命封錄多士皆感撤棘余輩拜 夫子門歡  
遇猶家人也未幾 夫子晉中丞秩鎮撫兩河門無  
苞苴野有滯穗兩河此離餘生安土重遷陝以東



天子實嘉賴之余輩念先德而祝厥後咸幸公來公富春秋磊砢英多綽有祖風小民得自言疾苦而吏奉法惟恪如遊吳大中丞宇下也懷郡賦徭繁重公昔從藩署中已悉厥苦而濟尤劇環濟皆山也廣谷大川久資盜窟遂使沃土悉成汗來及奉檄徵熟好書上下其手而控懸報者實繁有徒矣乃履畝核實畝之溢者竟倍所控濟民魚淪而獸狘籲於公公慨然曰吾何忍計畝悉索重困我赤子哉稽古酌今差壤則而上下之使籍有餘畝稅無溢額且單騎馳

濟呼父老兒童悉告以故莫不額手舞忭曰吳公生我會夏四月泊六月不雨土龍鶴立草木焦卷當此軍書逕至徵求蝟集之日郡人顛走不皇罔所聊賴公獨身先引咎曰先中丞八年中土雨暘時若余無似天其降戒予我元元何罪於是午夜薰沐徒步遍禱靡事不自責而百神恍惚縹緲相恤雷雨連宵旣優旣渥郡人勒碑志之非至誠感神能有是哉中秋公初度士若民躋堂稱牟戀戀如嬰兒者趾相錯也余輩濫筭世好製屏介以言夫公旣富春秋旦夕晉

秩方岳又晉秩大中丞此公家故物何足為公頌今  
 茲功在太行與太行齊壽他時功在天中與天齊壽  
 願公世世鎮撫兩河如非吳夫子之鎮撫兩河時願  
 兩河戴高履厚遊宇下者世世如遊吳夫子之宇  
 下時甘棠勿剪史臣將珥筆以壽其世德焉

壽太守彭公祖序

懷郡頻憂水旱賦徭苦甚重以繁師苛法即山川其  
 何託祉自 太守彭公涖治而起殯首蘇頰尾漸圖  
 安阜者踰期矣今歲夏來牟既獲穉禾油油郡人將  
 有盈寧之慶咸誦 公德政格天雪瑞雨霖故致此  
 且交善僚友以鼓屬吏相與勸農彌盜息訟寬刑於  
 兵餉檄徵之時猶緩催科而勤撫字洵稱吏之師而  
 民之父母哉六月朔有二日為 公揆辰別駕全公  
 王公司李曹公率六邑之長謀舉萬年觴屬余言余

乃進諸君子覲縷其可壽者全公日不佞職督糧輓  
治諸河水利及大渡之舟梁奉 公教嚴剔漕弊國  
糈早運渠波常潤民田不聞爭謀沁黃要津各有備  
奸胥豪右凜法曾無敢叢神詎非恃熊驟德威俾驥  
足得展乎王公日捕荏苒兼巡私蹉不佞責也奉  
公教署寧郭鎮固圉偵詰而道無越警及署月南修  
堞壕譏橐唯謹而巖谷靖又何鹽禁不飭猾徒得竊  
其利者此非黃堂靈畢之所及耶曹公日不佞刑名  
是司愧弗克坐蕙厨而忘貫索奉 公教日飲醇醪

願與元元休養凡大獄疑讞必詳慎寧多所平反不  
敢矜斷庶幾仰體 朝廷宥赦好生可洽顧非 公  
眴霽旁映乃蒸化亭 梧園草哉六邑長皆日吾輩末  
吏苔異岑同得依 公宸宇敢不恪稟惠教而各勉  
所牧然阜勺皆嶽海餘也其忍忘前大兵數萬南下  
有議次懷六邑將皇皇供億之艱有司雖喘奔而莫  
救且慮野失稼氓失屢草木當亦癘色幸 公引例  
上請得報赴桓遂取道東國而懷土始獲康息蓋賜  
六邑如再造矣若乃均河內里差則重法貪吏胥革

不齊文集 卷之三  
二十餘里賂免而六十三圖繇役唯公無復苑枯之  
嘆丈量濟源地畝荒熟皆確特更定壤則欲輕徵僅  
如舊額而數百年詭匿一旦粼粼實民其樂業不通  
負東境白蓮妖起設計緝之按冊詳訊得倡邪數十  
人繫諸獄誣連者釋於是狐鳴穴破而修武武陟俱  
救蓬壤漸墾商旅絡繹弗狘獮瀕大河者孟溫往多  
水盜爲患居民又性險不可馴且巨猾黨援強食弱  
肉每抗長吏令稍迫則合訟若狂濤邇來懾於陽鏢  
而奸宄化爲嘉師凡此者何非 公之施溢六邑而

惠威兼濟哉余旣於諸君子悉 公治郡狀遂拜而  
介曰允若茲以天下才布萬年德民有康乂物無夭  
札將邦家是毗昌熾無疆豈但吾懷吏之師而民之  
父母耶 今上新卽位天道旭旦矧輔政大臣協應  
景福殷求海內循吏圖三登而躋仁壽方議彷彿漢代  
之制重良二千石出可親民入則變化以贊有道銷  
兵革浹禮樂奕世和恒其在斯乎余其以太行王屋  
爲 公扶扶櫬影而雲氣嘘覆四國歌祝者未艾不  
寧僚屬諸君子捧鶴觴於燭陰而已



針芥投者余益信昔人之委政諮事有由也頃進六  
邑長而問焉河內長曰河內賦重訟煩狐鼠吏甚於  
豪右賴公砥礪咫尺望鐵亭奸徒蹙蹙不敢逞嘉  
師熙熙矣時公攝濟篆進而日不佞在郡邇不  
公教得速漕輓永河渠茲署濟土廣民險山寇易發  
借擊蛇之笏衆獲安堵矣修武長曰修土荒瘠民善  
逋東途每有越人之警聞公檄鬱律農桑興周行  
靖矣孟長曰孟當大河衝渡比來多巨猾黨援爲患  
惟弱肉是噬幸公劈野仲而照游光狂濤息矣武

陟長曰武陟居沁之滸穆陵關商旅隴易曩流民俗  
藪行劫環四境日猶淦今以蓮幕靈畢而救矣溫長  
曰溫南瀕大河時虞水盜民刁不可馴往往合訟官  
如敵自公以陽鍔爲嘉肺颺氛不作鴈化鳩矣  
公聞而退謝曰六邑幸治皆太守公績也予僅矢  
藥水自了尚式厥訓用獲免大戾其敢貪大君子功  
以爲已力太守公曰予任也新曾何裨益公久  
溥德化郡赤子有心有口予其分理署檄影葦露爲  
一郡慶余於是服公之果得僚屬協衆治以爲治

宜施遠而祉長也然仁人爲刑官三年來飲人以和  
絕去深文小苛決讞必慎多所平反或不得已正三  
尺愀然形諸色罪人涕感卽六邑懾法令奸革寇伏  
惟畏以德威未嘗一出於沈命也今上欽恤庶獄  
屢頒宥赦諄誠棘曹復申行郡國務期庭羅囹圄草好  
生洽民如公者假以事權全活天下庶幾成康文  
景之刑措福綏其奕世乎故知海甸猶懷壤休氣無  
疆可次第祝矣余遂述太守公之意作歌侑觴曰  
道興剛辰禎人樂兮兵銷日光堯天綽兮任德不任

刑鼓絃吹簫兮

天子萬年斯山川繡錯兮

壽制府朱公祖序

乙巳夏 天子坐法宮卹然念諸道之困思得重鎮

總文武之柄以紀綱統率之於是以前兼秦以滇兼黔以粵東兼粵西以江左兼江右諸勢不可兼者制府專鎮如故而幽冀則獨合兗豫兼之蓋以神京重地必鎮雄於他道斯足成建瓴而鞏翊衛如周室郊廓之於陝東西漢代京兆之於扶風馮翊分二郊稱三輔地親而寄重望尊而威遠非諸道藩翰可擬惟時天子若日吁孰可以肩此任者廷臣咸以



我公上聞曰天子曰俞其往哉是能底績以稱  
朕意神命下之日搢紳色喜於朝衛士額手於伍士  
相慶於費商之怵躍者於旅賈於肆農歌於畝兒童  
婦女老羸笑獨之人羣以爲有新制府之生我也而  
我公且撝謙自抑拜疏以辭不得請於是迺耀  
雙旌建六纛壽甲琬戈碧油紅旆適往與三鎮代既  
受事卽申天子德意簡軍實核戶口稽錢穀清徭  
役整郵傳諸道無敢匿與罔者公又以爲民之不  
安由吏兵之不戢與不振由弁卽察大吏與悍弁之

貪黷隳職者白簡從事於是羣屬莫不精白以承  
公意而樂觀德化之成蓋王畿西峙太行東環滄  
海居庸枕後河濟襟前饒穀馬魚鹽果蔬之利固稱  
天府矣而山東北連滄涿南走徐邳據海岱之雄撫  
山河之固洋洋乎固大國之風也吾豫地形四達東  
控淮碭北跨趙魏西有成臯洛陽之阻南撫汝鄧陳  
蔡之饒昔固一都會矣大較燕趙氣矜忼慨攻剽椎  
堆之徒所在多有今更加以莊屯棋布逋逃株連而  
青兗之郵傳漕輓邊海之遷徙流離吾豫之室空土

石齋文集 卷之三  
滿河工驛騷皆爲閭閻患我公至而綜理振刷之  
困者以甦勞者以息痍者以起而奸宄弗率者以解  
散消伏去杌榘而登衽席三路之民何幸也先是  
公之撫浙也浙人沃公之澤而洽於公之化值  
公岳降之辰田里細民不敢詣軍門皆焚香於家  
以祝公無疆之休而搢紳之能文者則攜詞奉觴  
登公堂以頌焉今公轉而蒞燕齊趙魏復當稱  
觴於公計燕齊趙魏之民無不焚香於其家獨吾  
豫之仕於朝者皆限官守旣不能登堂頌公思

得一言以申遙祝之意以不佞素以詞爲職委詞  
於不佞不佞則何敢辭因拜手言曰政教之行莫不  
由畿甸始周家成康之世周召分陝化行俗美下  
被於汝墳江漢之間蓋自近及遠也繼以君陳式訓  
畢公保釐厚澤深仁房皇周浹以綿姬曆八百之祀  
豈不由考成人哉豈不由考成人哉今天子繼離  
出震特簡我公總近畿三路之樞揆文教奮武衛  
需化之成以漸被四遠盡躋斯民於仁壽以培公國  
家億萬年之基而公亦將受景福於罔旣不亦甚

盛矣哉其在書曰爾克敬典在德允升於大猷惟予一人膺受多福其爾之休終有辭於永世又曰公其建無窮之基亦有無窮之聞蓋言功德之隆並受遐福也 公之行事在是吾屬之所以祝 公者亦在是若乃侈秘笈神仙之談誇鴻寶長生之術諂諛虛誕以是祝 公宜非 公志也亦非吾屬之意也卽錄斯說以致 公冀 公或欣然進一觴云

又壽制府朱公祖序

國家用人惟其才人臣自靖自獻副國家之用而無所不可者惟其德國家之用人治內與治外兼須文德與武功並重能優而後寄之故小才處小任大才畀大任人臣量而後入視其所克受也大車以載積中而不敗拘堂之水置杯焉則膠千鈞之衡過量則不可加以銖兩無所受而弗勝者非其才之謂也夫文德與武功殊事而等效職莫要於治內而任莫難於治外古者公輔出爲牧伯諸侯入爲卿士方伯連

帥膏雨乎侯國利及百姓而卽專征伐之權知其可任也故自內而簡之於外任之而屢效也故自外而擢之於內端揆亮工之日黃髮皤皤然綿歷年而壽平格人臣之極功也 大司馬副憲雲門朱公以康熙乙巳 人特簡總督畿輔三省治陽平統 王畿入郡左轄河洛而右領海岱方數千里之地兵民皆仰治焉蓋 昭代文武並重職掌分巡撫中丞筦監司郡守州縣之長吏用綏懷百姓而提督大帥率偏裨將佐詰戎兵張皇六師除盜賊事權不相屬惟督臣

兼制文武寄尤重往者諸道皆設總督大行臺後以昇平無事乃議裁併大抵行中書省二留一重臣統馭之而 王畿風雨之交又控齊豫兩省地廣大職崇而事劇非其人不能 公適以撫浙功多晉秩總制入閩遂還 朝會 廷擇三省總督枚舉諸勲臣無逾 公爰膺是選 公果能受大而克勝下車不數月恩威並濟懲勸互施 朝廷方責成督撫令糾覈大奸大貪母狗隱 公首以某某入 告奉白簡從事百城大小吏慮無不改絃易轍文武各屬兢兢

飲米百職具舉兵與民相安桑麻興而盜竊不作北  
盡幽薊南接汝漢淮泗無一民一物不得其所公  
之風聲翔洽綏斯來而動斯和其神化之速如此夫  
多材多藝蓋莫如姬公然鷹揚之任則太公秉之其  
治陝以東也則召公分之如耳聽耳目營不兩治也  
左畫員而又畫方不兩成也擘畫之謂才運其才而  
不窮之謂德公副 國家之用無所受而不勝非惟  
緯武經文抑莫難於治外而 畿輔之牧伯則又合  
內治外治而報成者也 公之德盛而才優於今尤

信可以爲師保輔弼之臣理天下豈直三省哉蓋

公本山左大家發聞於 盛京爲豐沛人英攀鱗附

翼列清卿掌 天潢玉牒小心篤棊簡在 帝心以

兩浙東南財賦藪海氛甫息民凋敝非 公填撫之

不可 公正已以率下其察吏也如懸鑑以辨形晰

妍媸照毫髮纖悉無所隱其人民也如陽和之煦物

嫗育昭蘇高原下澤草天木喬罔不榮條秀實十一

郡七十餘邑雖嶄巖之山墟浩漾之海澨耕者負耒

織者弄杼徭役省而戶無追呼之聲荏苒靜而村無

石齋文集 卷之三  
狗吠之警故兩浙之民歌舞愛敬 公若戴天地而  
懷父母縉紳大夫士依 公宇下者若庇萬間之厦  
登衽席而不驚風雨卽天下之民孰不願望冀幸  
公親蒞其土而懷保之乃惟 畿輔齊豫之要地得  
徼君陳畢公之政沐浴高澤而歌舞湛恩瞻棨戟而  
效祝頌之私誠且切爲何如哉丙午仲夏之吉 公  
生嶽之辰也予鄉諸縉紳合三河之朝士爭酌大斗  
爲 公壽而推予使擇言以進予不敏何足揚扞萬  
一惟是述 朝廷眷注倚藉之重徵諸公保釐恬冒

合武功文德內治外治而副 國家大用之勲思異  
日服衮衣而歸 殿陛赤舄几几斟酌元化卜金甌  
而調玉燭歷中書二十四考利濟覃於四海然後知  
今日兩河諸紳士山南樂只之頌非有所溢美也夫  
惟咸有一德乃可登平格之壽以德運才無所受而  
弗勝則今日之風聲翔洽無一民一物不得其所  
公直從容理之而已又何疑於神化之速哉

壽制府白公祖序

夫以依日月而爲兩朝之元老司節鉞而總萬里之河山昔之人所幾倖而不能一遇士君子所悚息而致慨于勝任之難也成大名顯當世本乎天授豎豐功建偉烈全乎性學是以內而黃扉論思外而霖雨蒼生以厥庶民暨厥臣達王是九重所夢卜以求而兆民所禱祠而祝也卽此可以祝我公矣今皇上富于春秋子惠元元每欲得佐命元勳上以壽國下以壽民餘以壽物輔五皇建于中央錫五福于

百姓要非慈祥在心膏澤在世以元臣而全仁者之  
壽不及勝任而快愉一特簡我一公以總督部院保  
釐三省卽虞之四岳周之分陝莫與京也燕冀爲  
紫微宸居齊魯爲一神京左背豫梁爲天中都會泰  
岱嵩恒河海淮濟周匝萬里待命我一公公自驅車  
蒞土教養兼施文武凜承兵民安輯荏符不起貪墨  
歛跡訟獄衰息育人才而培元命豈能一一數計皆  
本愷悌之仁而錫福無量也邇年以來一天心仁愛  
殷憂啓聖星變地震河決水溢堯舜之世固所不免

亦深賴我一公當時勢之極難施補浴之奇勛以已  
饑已溺之心勤如傷懷保之政賑捐多方爲民請命  
溝中之瘠多所存活不啻萬萬也一公前此沛澤鄭  
楚繼之恩加三晉今之保釐三省飛甘流膏實德半  
天下矣所云壽國壽民壽物以壽世者翊一皇運于  
無疆哉讀洪範之次九而知歛福于身錫福于民壽  
第一也今仲春之念五一公誕降辰矣陽和敷布草  
木知榮凡爲編部其何能祝窈爲之誦南山之詩矣  
南山之詩美其德而祝其壽也其一而一章曰南山有



臺北山有萊樂只君子邦家之基而祝之以萬壽無  
 期其 二章曰南山有桑北山有楊樂只君子邦家  
 之光又祝之以萬壽無疆以言樂只君子君子孰如  
 我 公以言邦家之基邦家之光又孰如我 公則  
 無期無疆之萬壽又孰如我 公也仁者之壽自宜  
 遠過乎彭喬也 既不能躬躋公堂酌彼兕觥亦惟  
 感而思且踴躍歌咏誦南山而揚令聞之不已耳春  
 臺仁壽之域惟 公之大有造于協和也 公其億  
 萬斯年翊 皇運于無疆哉恭為塵言以効華封之

野人云

壽撫軍張公祖序

孔子論仁智一曰樂山一曰樂水而壽與樂屬焉其  
義甚晰仁者先天而生後天而老以閱世玩世究未  
始不樂智者窮無窮極無極以超世出世究未嘗不  
壽夫子蓋名標其極致而未槩舉其全體也我豫撫  
軍張公鍾巫閭金川之靈丁亥廷對發軔天人  
三策風猷嚴整精神峻拔壁立千仞可仰視而不可  
睨就所謂凝然不動如山者非耶至其胸中灑落光  
昌欣暢樂意溫良不言而飲人以和則汪洋千頃之

波也以斯初宰慶都本超逸絕羣之才爲和易近人之政治繁劇似烹小鮮敦尚寬平厭行苛鋏春臺華胥之意優優入人寤寐間卓魯之聲不翼而飛遺愛尸祝至今秩滿以治行高等徵拜臺諫公不屑繞指柔毅然敢言侃侃引當否爭是非批鱗補牘之風方之古直臣何多讓焉兩淮鹺賦幾當天下一半實弊藪也公持斧秉法釐剔不遺餘力鋤巨蠹清積逋奸宄術不售惇商不苦刻覈無撓阻壅滯患課額罔缺鹺務肅然花廳按部山岳爲搖軍國亟需實嘉賴

之度支仰屋咨嗟者恃以無恐隨擢清卿典獄持三尺鞫五辭無冤濫法星一座垂甘露籠慶雲定國釋之不得專美于前天子以中州爲三輔重地彈壓須得其人公歟歷中外聲望素著朝議共推天子于是授公節鉞任撫綏而朝廷始得以紓南顧之憂矣中州九圍腹心舟車四達且頻年旱魃天吳爲祟凋瘵衝疲求治綦難公臨蒞以來正躬表帥威惠並行噓以陽和凜以秋霜凡關國計民生之大者罔不次第振舉大略廉潔以率屬僚慈愛以育

石齋文集 卷之三  
黎赤愷悌以培士類嚴厲以束營兵大梁商洛間幾  
稱化國八郡百州邑勞公心神日行一周識者擬  
之唐之姚裴宋之韓范果難軒輊云蓋公立身行  
已其持重如山于象爲良之止處心積慮其衡平如  
水于象爲水之流合仁智動靜之蘊期月而可三年  
有成舉兩河數千里之生靈無不共躋于仁壽之域  
者而公亦與是時爲攬揆之辰豫搢紳諸公謀稱  
觴而徵辭于余余曰壽者受也凡器所載大小多寡  
咸視厥量而審所受勿歉勿溢勿差累黍物之理也

壽者讐也夙昔寶持豐嗇廣陜攸分遲速亦殊晷稱  
其修而酬之所以云報天之道也由前以觀公司  
牧民則卓然循良職風憲則錚錚然名御史理財則  
念東南民力竭不進羨餘明允多平反理庭之樹有  
烏鵲今也卵翼生全豫人數載于茲卽此壽身壽世  
有餘裕矣且也仁爲體智爲用封疆大臣遭際聖  
天子其將來設施更弘且遠方將一身繫天下蒼生  
之望豈僅區區爲豫叢五福哉卽就豫境言溯公  
鎮撫此土太行嵩丘之墟山不童林木無剪伐喬者

天者各遂其性神臯福壤呵護惟謹伊誰之賜其令  
公身康疆子孫其逢吉者寧有涯歟詩云如山之  
不崩請以是祝 公可乎水之大者莫如河自龍門  
碣石灑瀚灌輸或源焉或委焉財用于是乎出寶藏  
于是乎興 公以河潤之澤隄防疏導百世永賴况  
又伊洛灑澗之濼迴于其中其默相而祝 公千齡  
者寧在山靈之後哉詩云如川之方至請以是祝  
公可乎 公方逾壯顏如渥丹天錫難老始基之矣  
嗣茲黃髮飴背爲國元老施及子孫在一方則一方

重在天下則天下重山之高水之深以稽所受受無  
量以考所讐讐無筭余不敏不足頌 公萬一第奉  
此意以爲壽券卽綴此辭以觴 公公應欣然爲進  
爵也

又壽撫軍張公祖序

兩河居天下中峙嵩嶽而帶洪河爲神臯隩區之首  
萬國之孔道也以天下視兩河猶人之有心腹故攷  
治必先焉古人以洛陽名園之興廢卜世盛衰世治  
先服教而世亂亦恒被兵國家又安九野沛膏澤由  
土中始故御史臺統諸道而縮河南道篆者長其同  
官誠重之也夫巡撫大中丞行臺古四岳二伯之任  
也行省稱方伯若虞廷十二牧而大中丞節制之任  
尤重兩河之行臺固諸道之表帥也人朝廷重吏治  
以民生利病爲急謂任專則事舉故不以軍務勤節

下而厚寄之以察吏安民夫兩河之行臺地要而表  
帥諸道司吏治民生任又專度非其人莫使重今皇  
帝時大司空副憲張公實膺簡命來蒞茲土蓋  
公立朝丰采節槩經緯匡濟之畧素取信於楓  
宸灼知克見而後加委任良其難其慎非輕畀試可  
而已然兩河從明季寇亂數被兵汴梁省會之區漂  
沒於洪河三條廣陌室廬無一存者其屬邑舉罹殘  
燬鮮完城宛洛汝南赤眉銅馬之徒蟠結其中所至  
皆荆榛灌莽清興削平羣盜懷柔萬方兩河嚮化

最早屢命名臣填撫其地招流亡而集戶口郡邑  
如始置然治城郭開井里墾闢榛蕪幾二十年乃稍  
稍成村落人烟復業者漸以生聚創深者起色遲固  
其所也且夫凋敝之後期於寧息如人病羸瘵而謀  
攝生葆和養中母搖乃神飢乃形今以兩河之爲孔  
道也秦晉之征輅經其北吳楚二粵滇黔之節傳經  
其南南荒之底定較晚師行薄伐糗糧芻粟之供牧  
馬休徒軍帳儲胥之備行賫居送數千里餽運之勞  
咸取道待給焉此子遺之民其辦之也梁宋之間古

多河患。國家治河所以轉漕防金隄而塞決口。役棘槩維木石柳掃之需。歲必庀具。捐金錢募丁夫。使操畚鍤以俟。名口多。旣廩厚。故租稅非不薄也。以征徭之繁。致物力爲之重困。藉第令長吏弗恤民。惟其力是盡。或因而朘削之。此予遺之民。其堪之也。故生聚幾二十年。而猶苦凋敝。雖名臣填撫者衆。烟火桑麻猶未盛。齊民乏蓋。藏自公之蒞。茲土急民生之利病。以郡縣長吏爲親民。最故恤民。先察吏若鑑鑒。而燭照吏貪廉賢否。才不才。纖悉畢審。無匿情勸懲。

黜陟大施。整刷監司。而下人人飲冰茹蘖。爭濯磨以副。公意旨務懷保百姓。百弊杜百利興。不俟三年報成。井晦安幹。止奠役不省於曩時。而誅求寡民。漸多於昔日。而安堵者衆。夫盛治之成也。固必世而後仁如。公怙冒休養之澤。更數歲。長撫吾民。湛恩翔洽。淪肌膚。浹心志。兩河蕃庶。豐殷之象。不且與周成康漢文景昇平之日比隆。千古哉。康熙丙午。月。公生嶽之辰。縉紳朝士。庇益公宇下者。奉春酒介眉壽。而推予使擇言以進其祝頌之意。蓋望公耆頤。



黃髮年無艾用乂安我兩河百姓風不云乎是以有

衮衣兮無以我公歸兮蓋被公之惠深故其志

誠且切也雖然予更有進公起豐鎬攀鱗翼擢清

華高步臺班直聲震天下巡視兩淮轉運裕軍儲上

資公帑而下不疲民力又縮河南道篆長同官持

法紀憲天下所摩切關社稷至計晉清卿贊會試

持平廷尉正刑以弼教撫三秦敷歷中外功甚盛

金皇帝器公才望昇以兩河要地而觀其所措置

經畫旋將用爲喉舌心膂運斗杓而調玉燭金甌之

卜非久也公斟酌元化柄政端揆福天下獨遺河

河哉畢公弼亮四世不恒於東郊召公天壽平恪不

恒於東陝而東郊東陝之民沐其惠無窮者仁恩之

敷布深經綸固以大定因之足以理况夫居內治外

蓋無弗及也然則所用祝頌公稍竟怙冒休養之

澤遂相天子歷中書二十四考黃髮皤皤然將禮

樂興於百年奚止必世後仁哉此吾兩河百姓尊親

愛戴之私而亦未敢遂私之已也

變漢之冠而衣未始教承之也

樂典外百平矣土必世必世若此乎而可曰技藝

新設世天子國中情三十四卷定其制則其

益無漢文也然則西風所至公與市官合養之

其節制歸命國以大家因之五以之其內以

地人與之而東收東刻之另若其

何若非也其四其不神然其

公國其

壽撫軍郎公祖序

歲在己酉皇帝御極之八載特簡大中丞郎公

來填撫我兩河之地下車之日用仁恩懷保和懌丞

生律已以清馭吏以法務德化感下僚令不肅而自

行政不勞而自理蓋有古人三月報政之速而民之

淪浹風施漸被聲教起凋疲而蠲疾苦者不啻如十

年生聚十年教訓之久語有之我德如春民應如草

過者化而存者神近古以來未之有也其明年仲春

之月值公攬揆之辰國之薦紳士庶白叟黃童登

不齊文集 卷之三  
壽域而躋春臺爭欲獻南山之頌聲將幽風之羔酒  
於是諸仕宦於朝者景末炎席餘蔭望雲稱祝而  
屬于擇言以進予不敢以不文辭思古帝王陳殷置  
輔爲斯民而使司牧之內則六卿贊化外則五長分  
猷方嶽之任代天子撫循百姓者其職任爲尤重故  
虞書咨四岳羣牧周則周公召公分治陝東西太公  
表東海申伯來旬來宣樊侯敷政而四方爰發此皆  
論道經邦之人以調元燮理之學術而播爲協和之  
治者也 國家稽古建官諸道有方伯卽行省平章

有臬司爲外臺亞相固皆政府大臣之寄而又遣卿  
貳大中丞之賢者專制一方兼綜藩臬用察吏而安  
民分陝表海之隆不第如申伯樊侯已也我兩河居  
天下之中山川鉅麗甲天下往者物阜民殷化行而  
俗美自明季經寇氛雲擾饑饉洊臻而兵革不息省  
會蕩於懷襄列郡殲於屠掠於是村落空虛臯原灌  
莽狐兔竄通衢春鷺巢林木 皇朝定鼎以來加意  
綏懷數 命名德大勲之臣坐鎮拊畜而創深者起  
色遲流亡漸歸而幹止未奠重以地居孔道肆征不

諫之初旌旃相望供億滋煩稅歛雖薄而力役之征  
憚人不得寧息長河爲患歲築金堤取檉柳爲淇竹  
鳩民夫以負薪農者輟耕織者空袖元元之困極矣  
會巡撫闕人六部九卿言路諸臣推擇以進 皇帝  
睠懷要地其難其慎更 令於各省方伯中遴可者  
特旨晉擢 公畀以是職蓋 公以豐沛勲舊之  
家代襲簪纓金昆玉友或總制大邦或佐理曹務有  
元凱濟美之盛而 公自金閨通籍敷歷服勞所至  
皆報最當任吾省右轄之時平賦均徭救寧萬姓謳

吟思慕之聲至今不絕及遷巴蜀左藩襁負爭歸耕  
桑大起和氣涵濡致瑞麥七岐之異 天子深嘉歎  
之故建牙開府之寵簡在 帝心而倚注倍切惟  
公能以存神過化之績敷中上而答 楓宸不俟期  
月之間而害馬盡除哀鴻安輯貪墨者望風解綬循  
良者掣肘無虞凡小民誅求供億之艱一一詢其利  
病而興除之驛遞河工衙前雜役之擾皆省漏卮而  
杜私派民快然若釋重負而安心於東作登壽域而  
躋春臺是 公實生我蒼黎而遐年之祝出於羣心

石齋文集 卷之三  
之愛戴于春未有艾也仲春之月方行慶施惠之時  
而值公生崧之吉待澤於下流者欣然若華葉之  
向榮而交被化工之德頌禱之詞何足以揚圻治功  
之萬一哉惟字分陝表海與調元燮理同功 天子  
嘉公丕績使宅百揆以一德之阿衡爲傳巖之爰立  
皤皤黃髮用篤棊而作孚先則仁兩河者且將仁四  
海不獨 景末炎席餘蔭私相愛戴而已也民之父  
母實惟邦家之光豳風之大斗侑以南山之詩而進  
公其有取於予之言

壽太守彭悟山公祖序

清有天下三十載海內得離兵革之患民恬物熙羣  
工交飭 天子尤加意郡縣吏郡守孝感 彭老公

祖滿五考治行常爲天下第一數下詔褒異之冠蓋  
相接恩賚至渥也當遷者屢矣時廷議以懷慶狎君  
政久固留君以慰父老望於是君自強仕暨艾其服  
官皆在懷懷人亦歌慕之勿衰云愚竊以天下之治  
莫不肇於君相之憂勞而成於守牧之廉靜何者天  
下者郡縣之積也譬之一身然肢骸修而體固郡縣

石齋文集 卷之三  
理而邦寧自然之勢也周禮王國六卿侯國三卿二卿鄉遂之大夫亦如之豈不以內外相維大小相承然後可使民隱上達主德下究以措於安全之域也哉三代而下唯漢治最爲近古宣帝嘗稱庶民所以安其田里而無歎息愁恨之心者政平訟理也與我共此者其惟良二千石乎以爲太守吏民之本也數變易則下不安民知其將久不可欺罔迺服從其教化故二千石有治理效輒璽書勉厲增秩賜金或爵至關內侯公卿缺則選諸所表以次用之是故漢世

良吏於是爲盛唐太宗亦言爲朕養民者唯在刺史嘗疏其名於屏風坐卧觀之以備黜陟史謂叶氣嘉生薰爲太平垂祀三百與漢相埒致之之術非循吏謂何由此觀之繼治者其道未有不同也今國家設官亦畧倣此意而彭公迺以循良特著比者縣官或有急軍興所需以及他大征賦大徭役徃徃多取辦於懷其自大中丞以下皆倚公如左右手夫懷瘠國也無論海內卽於中州亦塵如黑子之著面耳廣不如梁陳富不如毫宋膏腴沃野不如申謝物產

不如洛以區區不滿二百里之地悉索敝賦左誦右  
支卒頽頽於數大州使魴頽不歎茗華不嗟者何哉  
非以公之賢恒苦心調劑於其間耶以余觀公爲人  
明察內敏凡三佐大郡皆有聲比爲守則志寬和不  
尚威嚴案牘山集皆手自區畫嘗以夜漏下四十刻  
猶燃巨燭理簿書不休又以其間勞問賓客爲諸生  
差次文章高下士經其甄拔者輒颺去頓五指而數  
之不可盡此非有兼人之才不能蓋總其大指說在  
乎傳驃騎之治吳也或問傳聞丈人發奸摘伏惠化

如神何以至此傳荅曰唯勤而能清清則憲綱自行  
勤則事無不理憲綱自行則吏不能欺事理則物無  
凝滯此雖不足以窺盡公蘊然其效可觀矣 庇公  
宇下頃以備員冬官長朝宁間每爲人樂道公行事  
人亦信嚮之弗以爲阿茲者適假沐在告以犬馬疾  
杜門不敢私有請謁然聞族鄰中傳公治狀未嘗不  
躍然以喜時維季夏日屆覽揆廼躋堂稱觥而言曰  
人情莫不厲如始而懈於終自公蒞河朔十五易草  
木矣庭無秕政里無咎謠板心湔慮以綏其民故能

獲有褒寵以遂權而遠於祉詩云淑人君子其儀一  
兮心如結兮敢再拜賀已又酌而言曰公之族有長  
平頃侯宣者以經明有威重由太原太守爲大司空  
封侯著節於漢有惠安公韶者以湛經術練吏事累  
爲監司遷銓宰至大司寇昭德於明是二公者並世  
所謂大儒骨鯁耆艾魁壘之士國家雄俊之寶臣也  
然議者猶恨未究其用公得無意乎且而重黎之後  
也黎爲高辛氏火正淳耀惇大光昭四海夫成天地  
之大功者子孫未嘗不章其後八姓芊興於春秋之  
楚矣斟禿無後彭與四族代有顯人老彭氏仕於夏  
商西周之際博物而壽世之言長生久視者皆宗之  
然不聞有大勲庸於王室公必勉之耆降造德而聞  
鳴鳥匪異人任敢再拜賀於是公適然而笑曰有是  
哉敬舉君之觴



壽撫軍佟高崗公祖序

孔子論仁智一曰樂山一曰樂水而壽與樂屬焉蓋  
仁者先天而生後天而老以閱世玩世究未始不樂  
智者窮無窮極無極以超世出世究未始不壽也我

公鍾巫閭金川之秀丰姿巖整壁立千仞可仰視  
而不可瞻就所謂嶷然不動如山者非耶至其胸中  
灑落如光風霽月不言而飲人以和則汪洋千頃之  
波也以斯拜臺諫侃侃引當否爭是非有批鱗補牘  
之風花驄按部則齷政肅然課引無缺額壅滯者臬

爲古外臺持三尺鞫五辭法無冤濫而承流宣化軍  
國急需實嘉賴之度支仰屋咨嗟者恃以無恐三巴  
之桴鼓不鳴五谿之尸祝勿諼也壬子秋 天子念  
兩河爲腹心重地若曰吁孰可以撫茲土者冢臣列  
公名上請 天子曰俞其往哉是能歷試底績者  
朕可以無顧南之憂矣兩河居天下之中山川鉅麗  
甲天下往者民殷物阜化行而俗美自明季寇氛雲  
擾饑饉洊臻省會蕩於懷襄列郡殲於屠掠於是村  
落丘墟阜原灌莽狐兔竄通衢春燕巢林木我 朝

定鼎以來加意綏懷屢 命名臣坐鎮撫恤而劔深  
者起色遲流亡漸歸而幹止未奠重以地當孔道秦  
晉黔滇之征輶供億滋煩賦歛雖薄而力役之征憚  
人不得寧息洪河爲患梁宋之間歲築金堤取檉柳  
爲淇竹鳩民夫以負薪農者輟耕織者空軸元元之  
困極矣 公下車之日士慶於豐商怵於旂工歌於  
肆農懽於畝兒童婦女老羸癯之人無不扶杖而  
觀以爲有新撫軍之生我也蓋 公立身行已其持  
重如山於象爲良之止處心積慮其衡平如水於象

爲水之流合仁智動靜之蘊必以治黔蜀者治豫行  
將噓以陽和凜以秋霜凡閱軍國民生之大者罔不  
次第振舉期月而可三年有成舉兩河數百萬生靈  
無不共躋於仁壽之域者孟冬一日適公生崧之  
吉余仰附知交叨蒙樾蔭敬誦明月之章用申華封  
之祝夫壽者受也凡噐所載大小多寡咸稱厥量而  
審所受勿歉勿溢勿差累黍物之理也壽者酬也夙  
昔寶持豐嗇廣陔攸分稱其修而酬之所以云報天  
之道也由前以觀公任風憲則錚錚然名御史理

財則念民力竭不進羨餘明允多平反臬臺之樹有  
烏鵲撫黔蜀則功勒銅柱名垂蠶叢今卵翼生全我  
豫人卽此壽身壽世有餘裕矣且也仁爲體智爲用  
封疆大臣遭際聖明其將來設施更弘且遠方且  
一身繫天下蒼生之望豈僅區區爲豫歛五福哉豫  
幸得公撫茲土也行見太行嵩丘之墟山不童林  
木無剪伐喬者夭者各遂其性神臯福壤呵護惟謹  
其令公身康疆子孫其逢吉者寧有涯歟詩云如  
山之不崩請以是祝公可乎水之大者莫如河自

龍門碣石灑瀚灌輸或源焉或委焉財用於是乎出  
寶藏於是乎興 公以河潤之澤隄防疏導百世永  
賴况又伊洛瀍澗之潑迴於其中其默相而祝 公  
之千齡者寧在山靈之後哉詩云如川之方至請以  
是祝 公可乎 公方逾壯顏如渥丹天錫難老始  
基之矣嗣茲黃髮駘背爲國元老施及子孫在一方  
則一方重在天下則天下重山之高水之深以稽所  
受受無量以考所酬酬無筭第奉此意以爲壽卽綴  
此辭以觴 公若乃侈秘笈神仙之談誇鴻寶長生  
之術諂諛虛誕非 公志也亦非余頌祝之意也

壽劉年伯序

濟陳母薄金玉而祝子姓之賢濟人尸祝無已時後數百年而有吾年伯

劉先生先生席前業屋數椽

鹵田數十畝而已侍太君暨太繼母膝下漱冠燻足以時饋醢免薨惟所欲間日必典衣爲膈豚膈鷄之供昆季析產田取其确舍取其圯衣取其一再澣其下帷諸生時苦稱最然不屑屑制舉義曰此卿大夫羔雁何足型子孫惟通鑑朱子大全是力諸子爭力於先生所欲力者而吾同年蘇門遂以乙酉登賢

石齋文集 卷之三  
書次年成進士簡試侍御纔弱冠耳叱驄按三晉章輝惟謹無藝之稅悉蠲先是按三晉者爲某後是按三晉者爲某晉以是益德蘇門不能諉蘇門以其俸餘爲先生壽先生悉推以公昆季忘居之旣析也而痛念仲兄康疆早世於若侄尤加之意里閨不能婚嫁者悉賙之徒步田廛間與父老子弟科頭話桑棗郡邑催科溢額凡廢削吾井邑者教蘇門正色爭之先生之視陳母何如哉夫父老子弟亦甚願吾井邑有科名也春秋捷書至爭傾耳聽訊爲某某

競傳語婦子以爲慰比貴懷金如粟厩馬如羊父老子弟惟頤指是聽介子介弟城社倚之所至罔不嗑父老子弟亦何樂吾井邑有科名也昔之父老子弟爲鄉先生祝曰庶庇我今之父老子弟爲鄉先生祝曰庶忘我徒步田廛談桑棗蓋與爲忘也賙婚嫁爭其廢削則庇之矣先生之視陳母何如哉以是介先生壽

次坐壽

其刻階原孤之矣 夫坐文脈刺母前收結以具介  
 曰無念亦非也田觀精桑東蓋與無念也顯微殺羊  
 為豫夫坐脈曰無強非今之父坐于策為豫夫坐脈  
 父坐于策亦何樂吾非母前修各也清之父坐于策  
 于策非則計具顯介于介策姓族尚之河至罔不盡  
 德將品敬于以無然也貴爵金收粟風無收羊父坐

李太孺人壽詩序

鴻臚李君以鳴珂舊闕入典漢儀一時鵷行鵠埃肅  
 然加敬咸以韓景然崔德儒期之其大父大司馬公  
 當年鷹揚虎視勛業爛然朝廷倚為方叔而尊人景  
 峯公冠冕蟬聯名德相配繼其家學而起君家贊皇  
 之德自在文饒而千里昂藏之器借海運以騰驤知  
 其志在捧毛義之檄矣歲乙未母太夫人春秋六十  
 李君越在儀署弗及還子舍親致兕觥而以當代作  
 者之言為請于時修詞者無慮百數十家汗簡魚箋

無慮百數十牘洋洋灑灑真彤管之希榮而萱祝之  
盛事也予不敏之于李君以籍則嚶鳴以地猶桑梓  
陳大呂而不棄簣桴亦願竊有頌已李君且哀輯成  
帙而授劄劄氏則更請予颺言端簡予思之古之壽  
母而見于詩歌者唯魯聲姜其拜手作頌者公子魚  
一人而已太夫人生而端淑少通書史大義則謝道  
韞白金鑾事大司馬公太安人甘旨以時進相景峯  
公鷄鳴交儼宦周南北克成素絲則李丹陽之喆婦  
而楊南鄭之泰娛訓鴻臚少則口授詩書長而勉以

令名則韋逞之母宋而柳仲郢之母韓柔淑懿徽不  
一而止卽姪奴鄒孟不多讓聲姜云乎哉作者斌斌  
揚扆聖善不獨一子魚吾知陳茵列鼎丹轂文軒太  
夫人所習以爲固然者獻西池之果上玄女之符太  
夫人所未必以爲愉快者卽鴻臚不靡鹽而明發庭  
奉潘輿堦陳菜綵太夫人所未必以爲色喜者今鴻  
臚以言壽其親細帙卷盈縹囊文溢謠進白雲之篇  
詩填金谷之詠所當于太夫人者不旣多乎歸而獻  
之象掬魚軒之側其與累葉之丹封紫誥並耀于





今春歲萬子又提南宮起弟乃尊于今日當爲封翁而奈已早歸矣封翁之善氣流祉後自宜興未於其伯先於其仲人人爲同元公慰謂難兄友愛教弟故食報早耳然萬子天資英敏易于博洽固不待機集針課者初以叨鹿造余盧瀟逸雅靜可卜其學及見兩闈卷朗月冶花致足樂也萬子既出身棄帖括而急經濟事兄之餘于元公觀火剽兇恢應世務必有所諮謀推廣行將建樹邦國不愈發封翁數十年所陰積哉閭里親知輩屏賀乞余言余于

是喟然曰父老子弟甚樂吾井邑有科名者方貧賤時談氣誼重粉榆百禮相洽願富貴無相忘比得志勢焰逼人恣所欲爲父老子弟惟相忘是幸而介族多城社倚使道路以目若是則父老子弟亦何樂吾井邑有科名也徐氏世德孝友閭里親知信其始終嘉賴矣或曰天寧浮圖巋立郡之異方以關鍵濟水聚地氣其間人文蔚鬱懿業輝映如鄉賢李淮海史南瑞與先中丞聯巷崛起俎豆永芬至今兩河以爲美談典型可繼萬子肯讓乎哉

美苑典墜何繼 萬千首齋子結

南淵與中丞 耕稼賦賦豈不於至今兩河以餘

家庶原其固人文 藝藝植業賦知收 庶資李非斯史

其可合林台 山翁曰世斷奉文 庶呈賦賦自其賦錄

其知博利對 庶部曰世斷奉文 庶呈賦賦自其賦錄

其知博利對 庶部曰世斷奉文 庶呈賦賦自其賦錄

其知博利對 庶部曰世斷奉文 庶呈賦賦自其賦錄

其知博利對 庶部曰世斷奉文 庶呈賦賦自其賦錄

其知博利對 庶部曰世斷奉文 庶呈賦賦自其賦錄

勸農書序

農事之興自炎帝 彷彿也然史紀炎帝作方書道陰陽

五行之宜寒暑燥濕之節甚詳而于農則未嘗有成

書非無書也詩之豳風書之無逸禮之月令則莫非

書也王粲務本論曰農益地闢吏受大賞農損地狹

吏受大罰意在勸農厥惟茂哉邵信臣之於南陽黃

霸之於潁川龔遂之於渤海皆得勸之之道者也而

後又有鄭憚之易漁獵為耕桑王延之教九真墾闢

莫匪露冕阡陌躬親督課以是治效聿臻垂光史冊

我國家宅中燕土首重田功我皇上親政之初  
禮行耕藉近又加意農豐芑憫念汙萊有墾田及額  
者爵之夫非子元元務稽勸畊意哉一日鄆國張完  
修以袁了凡先生勸農書一冊見示將重付剞劂而  
問序於予予讀而卒業焉攷是書爲先生令寶坻時  
所作其意本於明天之道察地之宜盡人之力與夫  
溝塍封洫之制車牛錢鏹之器靡不犁然畢具爲書  
有圖爲圖有說煨煨炳炳一開卷而瞭如指掌誠明  
農之金鏡也予嘗見濟上有王氏農書然卷帙浩繁

傳播未廣豈若先生之用意良深而爲功孔厚乎方

今聖天子膺宵旰憂頻及國計下司農議悉心

爲劉晏富弼者多出于墾田營田屯田三法而西北  
之土不加闢東南之力不加紆豈法未盡善歟抑勸  
之不得其道也誠彷彿是書而行之驅天下之游手末  
作一畢力于南畝俾黃茅白葦之地悉成垂穎鋪荼  
之場插成雲而畚降雨旻旻良耜之章且旦暮歌之  
其足以益少府水衡之費而歲省江淮漕粟何止數  
百萬石哉此則金吾張君鐫布之意而于教民務本



阿達哈哈番董公碑文

重建龍岡寺碑文

傳

張母魏淑人傳

石齋文集卷之四

河內楊運昌雪嵐父著

弟

奇蘊 峇伯 席昌 蒲嵐  
廻昌 紫瀾 賜昌 錫九

姪 奕紳 警菴  
奕綰 璽卿

全選

同里後學

王無忝 兩迪  
李元振 貞孟  
李天馥 湘北  
張榕端 子大  
王無愆 季平

參訂

碑文

世祖章皇帝碑文

我國家肇基東土

祖功宗德昭格

皇天恢弘景

運于萬年篤生我皇考皇帝睿聖首出奄有萬邦  
大孝弘仁武功文德配兩儀而軼千古既奉冊寶恭  
上尊謚惟陵寢宜有功德之碑謹撰述大槩鐫諸  
貞珉用傳永久叙曰

皇考世祖體天隆運英睿欽文大德弘功至仁純孝  
章皇帝諱太宗應天興國弘德彰武寬溫仁聖睿

孝隆道顯功文皇帝第九子也母昭聖慈壽恭

簡安懿章慶敦惠溫莊康和太皇太后皇考未誕  
之先太皇太后嘗有紅光繞身女侍驚以爲火近

則不見衆皆大異之又夢異人授一子曰此統一天

下之主也次日皇考誕生宮內紅光照耀香氣瀰

漫經久不散皇考生而神靈英異非常六齡讀書

不假師資一目數行俱下太宗甚鍾愛焉甲申嗣

登大寶是時流寇肆逆明祚已終國亡君殉萬姓無  
歸爰整六師一戰而破百萬之強寇乃建都燕京齊

晉秦豫傳檄底定靖寇救民王師南下金陵僭號者  
其臣下執之以降由是下楚蜀平浙閩兩粵滇黔數

年之內以次掃蕩遂成大一統之業治本愛民出師

則嚴紀律毋敢殺掠百姓知民苦賦重盡除明季加  
派又停江浙督催織造官免陝西皮張絨褐之貢罷  
各省柑橘鮆魚石榴等物之進停止邊外城工捐派  
徵民間助工之餉已臨清燒磚之役減朝鮮進貢之  
數定賦役全書修大清律令各衙門規制事例祇奉  
太祖 太宗成法治具畢張敬 天尊 祖饗祀  
親虔孝事 太皇太后晨興問安長跪受教披閱章  
奏每至夜分勤學好問擇滿漢詞臣充 經筵日講  
官于景運門內建直房令翰林官直宿顧問經書史

策手不釋卷遂知性知天洞晰至道兼綜天文地理  
禮樂兵刑賦役古今因革利病之源旁及諸子百家  
莫不博涉得其要領素衣菲食不興土木之工親視  
太學釋奠先師發帑金崇其廟貌雖太平不弛武備  
立賢無方丁亥巳亥再舉會試間廣額數以羅人才  
科場作弊者從重治罪視滿漢如一體遇文武無重  
輕破故明人臣朋黨之習尚廉正斥貪邪時時甄別  
廷臣以示激勸下詔求言虛懷納諫外官入覲面諭  
以愛民勤職詳慎刑獄大辟覆奏再四駁審命官恤



刑各省寬濫者皆得免又停秋決一年闔寺不使外  
交立鐵牌示禁命儒臣修祖宗聖訓順治大訓通  
鑑全書孝經行義等書以教天下臣民詣先農壇躬  
耕耨田勸農以足民四方水旱灾荒頻發內帑多金  
賑濟雲貴初平頒發帑金溥賑軍民焦心勞思惟念  
軍民疾苦至于故明諸陵設護衛禁樵採憫崇禎帝  
死難頒諭祭誅其臣之殉難者予贈恤其宗室投順  
者令畜養樂業其厚待如此我皇考以精明理政  
務以仁厚結人心法制則細大無遺德意則遐邇咸

徧故使山陬海澨莫不覃被恩膏東至使鹿使犬等  
國西至厄內忒黑土魯番等國北至哈尔哈倭洛蘇  
等國南至琉球暹羅荷蘭西洋海外等數百國見海  
不揚波咸曰中國有聖主出焉梯山航海莫不重譯  
來王我皇考惟是兢業祇慎無一日自暇逸也順  
治十八年正月不豫于丁巳日上賓嗚呼哀哉聖  
壽二十有四在位十八年葬孝陵陵預定于昌瑞  
山皇考遺命山陵不崇飾不藏金玉寶器嗚呼故  
明政亂久矣太祖高皇帝太宗文皇帝誕膺景

命定亂無難特以尚德緩兵故也至我皇考當流  
寇殘破明室生民塗炭大兵西下掃平逆寇統一寰  
區非神武不能開基非至聖不能致治謨烈於照道  
法具在雖堯舜之德湯武之功何以尚茲謹拜手稽  
首而陳頌曰天佑下民眷於有德大清受命奄有方  
域 太祖肇基 太宗弘業 皇考緒緒直生睿質  
運協禎符懋建皇極大武布昭剪除寇賊王師西下  
一戰而克定鼎燕京綏懷反側指顧蕩平一統萬國  
怙冒蒸生仁恩洋溢罷貢停工以甦民力立綱陳紀

利興弊革成憲周詳有典有責圖治勵精憂勞日昃  
萬幾畢理大猷允塞崇儉去奢克勤無逸敷政優優  
居心翼翼丕承遺緒永言孝思先意順志恭事 慈

惟好學不倦悟道淵微博綜經史百事周知戒勵臣  
工首在勿欺賢姦立辨黜陟咸宜纂成文籍洋洋訓  
詞金匱是寶萬世可師慎刑薄賦賑救荒菑勸農興  
學富之教之帝王道貫覆載功齊聲教四訖遠邇不  
遺殊方重譯入貢京師治化溥洽道法昭垂庶徵駢  
集洪烈長貽巍巍 孝陵神爽憑依山苞川拱祥護

靈祗鏤詞貞石億禩歌思

擬御製和碩鄭親王碑文

朕纘承鴻緒肇我不基每思皇祖皇考創造之

初賴茲懿親共襄大業若其身爲磐石勲邁凌烟眷  
三朝之儀型悼九京之忽遠所爲情同休戚禮備榮

哀者矣厥惟我和碩鄭親王天鍾英毅性篤忠貞

識度淵弘兼資文武沉幾先物慮達安危當我皇

祖神武開天暨我皇考式闢區宇王以肺腑之親

受心膂之任遍歷疆場身嬰矢石決勝帷幄氣動風  
雲倚劍無間羣雄底定楊旌不夜屬國歸誠固已彷彿

佛孫吳之風躬秉周召之鉞矣洎乎皇考升遐遭  
家不造宮闈起榘杙之際支屬生睥睨之心惟王憤  
激於衷義形於色矢心不貳首定大計翼戴朕躬  
奠安宗社九廟之靈實式臨之此周勃安劉之智  
也及朕親總六師掃除寇亂王密贊廟謨制竒在  
握指撝羣策廓清中原億兆更生乾坤再造恢九有  
之輿圖啓萬年之曆服旂常有赫帶礪不朽此鄧禹  
入關之略也朕親政之始百度維新知王蓋誠有  
素倚毘特隆而王小心翼翼竭志效忠釐正典常敷

揚文德啓

朕以志學勸

朕以親賢行無專制必

上法於

祖宗因時制宜務下周於民隱是用遠邇

輯睦朝野救寧迨乎彌留之辰不忘軍國之計此又  
東平輔政之勤所不能及也朕惟王之生平懿美  
不可殫紀其大者則事上以誠立身以正定策危疑  
之際而不伐其功輔佐歷年之久而不顯其德有尚  
父敬勝之吉有忠武盡瘁之誼是皇天篤生之以  
翼我國家皇祖皇考默佑之以弼予一人者也  
何期奄忽之間老成凋謝惇史紀功誰問河間之禮

途人掩涕欲樹竟陵之碑豈不哀哉王以四年之月  
日薨以 日賜葬於 輟朝 日遣官致祭  
壇禮也先是禮臣以典例請 朕念王位高元勳分  
尊諸父乃心王室始終不渝欲報厥功當有殊典乃  
命所司詳稽禮制褒錫有加 朕遙睇園塋中心愴  
惻爰灑宸翰勒諸貞珉以表彰王之功德王之孑孫  
其世世欽承之無斁 軍國之書此又

又擬御製和碩鄭親王碑文

國家褒德卹勞生有非常之勛者沒必有非常之報  
况分在懿親功存帶礪乃心王室始終不渝者乎惟  
王派衍天潢支連若木直幹自高澄源已遠有貞臣  
之節有良將之風識達武經學綜兵要臨事能斷好  
謀而成佐我 皇祖締造艱難及我 皇考纘承洪  
緒親歷戰陣躬冒矢石決策於萬眾之中制勝於千  
里之外用能削平諸部芟刈羣雄此王之功也後遭  
先帝遐升妖興肘腋釁起宮闈諸王兄弟相視生

心睥睨神器而能憤激衷腸密施籌畫宜力協贊擁  
戴不貳遂定大計宗社奠安此又王之功也迨整旅  
入關式揚廟畧脫乾坤於鋒鏑出黔首於湯火驅除  
大寇克定中原焜燿元勲載在盟府此又王之功也  
朕親政之始啓我令圖罔避疑畏披肝露胆皆本  
於至誠言發涕零必期於盡瘁數年以來體國垂制  
上穆下親凡用人行行政大利大害無不區處得當上  
合天心下慊民隱此又王之功也嗚呼哀哉惟王  
之操心也苦而慮患也周有遵養時晦之權而守之  
以貞有扶傾定變之才而持之以敬何期倚畀方殷  
遽爾彌留不逮嗚呼哀哉 朕誼隆諸父眷念老成  
追遡前勞不勝心惻仿音形之如昨痛百身之莫贖  
茲特遣官致祭用展哀悰王靈儼在尚其歆此

擬御製涂魯希碑文

朕誕膺大寶凡異代貞臣義士咸爲褒顯矧朕從

龍舊臣勤勞王家忠勲屢著一旦身膏原野血流敵

杵朕豈不中心痛悼思爲崇卹以慰幽魂者乎爾

涂魯希天挺雄才性敦大節當雲雷之初造歷霜雪

而弗渝始事戎行卽俘馘於旅順再從撻伐旋獨克

夫大安石廷柱被創於薊門爾能爲之灑恥袁撫軍

偶顛我四卒爾能脫之重圍夜逢兩帥之遊兵斬獲

無筭首摧四鎮之堅壘衝突惟前哨探通州而道殲

兩燾宵攻京北又手刃多人生擒受塔之兵能不殺  
以詢其處故獲受塔之首即超擢以旌爾庸後有微  
瑕稍示貶秩而爾忠愛彌篤勞績彌多蒙古之役爾  
以四人被困而冒險衝鋒救援不遺一騎大凌河之  
役爾以輕兵掩擊而每出必勝前後未嘗空回至於  
錦州之役太宗文皇帝躬親督戰而爾之戰功尤爲  
丕茂蓋以入固山之兵皆爲敵所阻而爾獨執銳前  
驅乃能深入敵陣以三日夜之久力與敵相抗而聞  
敵越濠潛出即先堵截敵營或誘敵以敗之或列陣

以拒之或助顧托阿之戰或挫張兵道之鋒皆爾一  
身能周四應是用優陞三等懋賞爾功計爾生平大  
小數十戰大抵能以寡擊衆又能處衆獨先雖古之  
名將如趙子龍長阪坡以單騎出入百萬圍中又如  
常開平仰攻采石磯矢如飛蝗而奮勇先登以爾方  
之殆庶幾焉 朕旣統一華夏思惟爾披荆斬棘櫛  
風沐雨之勞方欲胙土分茅共盟金石詎意雲中狡  
寇忽焉豕突蜂狂爾以宿將典兵謂可滅此朝食何  
期小醜劔我元戎營中隕斗大之星陣上罹輿尸之



慘雖先軫之面如生而萇弘之血已碧矣嗚呼來歎  
被刺光武痛心花雲陣亡明祖垂涕自古百戰艱難  
之士不獲如鄧馮徐湯生享封爵之榮開國之君未  
有不重加愍悼者以爾之功烈若彼而爾之被禍若  
此捐軀殉國爾既取義而成仁崇德報功 朕豈寡  
恩而棄舊彤弓旅矢無從拜賜於生前麟閣雲臺尚  
可繪形於身後爰 命禮官聿求掌故特隆追卹肇  
錫嘉名用贈爾 謚爾 身騎  
箕尾無忘氣壯本朝圖畫凌烟尤望鶴歸華表是爾

之精誠實且不朽而國家之於爾後報之亦世世不  
朽也括其大槩勒之豐碑以志 朕哀以妥爾魄庶  
幾與河山帶礪並垂永久云

擬御製二等精奇尼哈番佟養性碑文

朕聞國家貞珉之賜所以褒有功而彰有德使播令  
名于永禩而愾慕無窮也然有身雖未歷行間而心  
懷忠樸志行可嘉識天命之有歸越疆土而允戴真  
誠藹篤日月爲昭則其功亦不可泯者爾二等精奇  
尼哈番佟養性識畧過人淵沉多智跡溷什一之中  
意出塵埃之表當 皇考撫有遼海之先能知 天  
方授土遠慕威信傾心豫附旣而任職被掖庭之寵  
身督械器攻守以資著有成勞等于陷陣夫良鳥擇

木而棲良臣擇主而事爾可謂智足以趨時勇足以  
赴義者矣昔漢蕭何未嘗親任鋒鏑而分封功臣以  
何爲首爾効忠歸命使率土喁喁望風內嚮何獨不  
然茲允禮臣請謚爾  
爰樹豐碑嘉爾休  
聞後之人其或有感而興起云

擬御製喇嘛碑文

朕惟釋教之興其來已久若化衍西極而智海淵深  
法與東來而道行純固能決去就別從違則爾喇嘛  
有足嘉焉當我國家式廓 天眷之初諸部尚未內  
嚮爾氣茂三明情超六入鑿窮沙界哲炳幾先識

天命之有歸諦正法之當盛誠心倡衆合掌闕庭豈  
非以我國家克爲爾大能仁主可以興揚爾教弘庇  
三乘故頓捨迷津偕登覺路哉比蒙古貝子見其首  
先皈命惻欵慰留爾擁錫來依疆毅不返可謂具彼

石齋文集 卷之四  
深心復弘大力者也我太祖太宗嘉其果于嚮  
化一本至誠闡法迦維功濟塵劫則庄屯以安之僕  
御以養之厥後爾既卽寂又爲營建浮屠恩給園寢  
且賜守冢者二十五人以時薰掃所以示尊崇之禮  
而明歸受之義豈有他哉昔如來以後中五百年而  
摩騰竺法蘭來于漢後五百年而初祖來于梁遂使  
慧日高懸法雲慈蔭爾之戒性定力卓爾不凡羽翼  
沙門歸于國土其欲轉釋輪于法界廣真印于瞿曇  
抑亦世教之舟航而法筵之龍象也靈塔旣成緇林

相望 朕復紹述 太祖 太宗嘉與之意而爲之  
勒石以傳不朽且俾爾法嗣知所瞻仰爲之益闡厥  
教云

阿達哈哈番董公碑文

順治辛卯一等阿達哈哈番董公大寢 天子既下  
詔羊酒以奠今嗣君復欲徵言鐫石余愾然嘆曰石  
取久也輕重以人信矣哉孔悝請銘之文美於戴記  
唐朝復魏之碑君實特書若在他入則已不論不議  
矣我公諱阿賴開國大賢功在盟府欲長言詠之爲  
來者觀使洗茂陵之華表而立無字之秦碑恐無以  
安往者而照來茲也余不文請言其大者我朝始  
興公初爲擺牙喇甲喇章京攻錦州時敵據南山公

奉帥令舊臂單騎入敵兵遂走公征山東擊吳鎮以  
步戰連奪趙幟再圍錦州 豫郡王於桑阿爾寨埋  
伏擊塔山兵公率本固山擺牙喇兩隊敗之三圍錦  
州敵前鋒誘我兵至松山北山公統本固山挑每牛  
象擺牙喇之精銳者各一人當衝敵遂不能出又敵  
兵夜犯鑲黃旗壕塹公擊之勝且至壕外又攻寧遠  
薄城城內迎戰公督兵四十人挫其前茅又往撒拾  
連兀喇困博和理城公扼汲道使不得水挨牌偏近  
四日來降不寧唯是公會同阿爾錦哈寧阿招服大

哈爾他孫小哈爾他孫二村落又擒綽庫屢囊奇爾  
二地中之丁壯百人克前屯衛城公同一燾章京偕  
擺牙喇八章京擇每牛象擺牙喇各一名及外藩蒙  
古往前屯衛城覘城內欲遁公引兵夜奪其門城乃  
下古詩所爲轉戰千里一劍百萬者殆不過此累勩  
論功元年 上授公爲拖沙喇哈番 定鼎燕京入  
山海關擊流賊公率二十萬襲焉立平 上陞公爲  
拜他喇布勒哈番兼一拖沙喇哈番由 太祖配  
天禮成嘉乃勞績 命上陞公爲三等阿達哈哈番世

襲罔替七年 上念東南未靖命公徃征公抵楚時  
寇一隻虎據荊州公以勁旅掃蕩裕如也抵越公遣  
兵擊孝豐之東和山四千人抵閩公與同事議敗曹  
大固之三千人賊據建寧公同陳泰敗賊之五百人  
軍威旣振所向披靡傳國用胡豐叩敗於建寧三千  
兵敗於漳中張堯夫擁四于而敗西梅所平和縣當  
紅衣砲而敗又十三縣一州七縣當綠燾官兵而敗  
以功陞一等哈哈番公勞于王事以疾告殞公之子  
嗣爵因上 聖母尊號禮成准世襲罔替特贈公爲

資政大夫元配鄂爾渾氏授夫人之贈猶憶公叅知  
中丞百辟維新豈但子孫食舊哉今 至尊唁之卿  
士悲焉不其盛與雖然居日月之下者無忘風雨處  
富貴之地者益勤忠貞觀起家之艱難念世爵之匪  
易尚其永言茲石也哉





供具併慈聖御書大法寶藏四字復給勅書一道勒石護持故斯寺之巍煥莊肅非遠近諸梵刹可比逮皇清定鼎寺猶完整如故俄於癸卯冬夜忽被回祿昔之所謂蓮臺寶座者盡消滅於熾烟烈燄中余適讀禮廬次捐貲重建焉或謂西方之教儒者多闢之甚者謂宜火其書廬其居今其居既燬而乃復新之是亦不可以已乎余應之曰唯唯否否余之捐貲以新斯寺原非習彼布施因果之說也昔儒之訓曰子之事親也樂其心不違其志又曰事死如事生余

先慈宿具善根惟佛是崇是敬斯寺之輯葢以體先慈之素志也試觀吾鄉自歷兵燹以來所謂貴家華族鍾鳴而鼎食者指其居多蕩爲榛荆瓦礫焉問其子若孫或不知所向往矣而奉佛之宇旋圯旋建者不獨斯寺然也是何故歟又見鄉之頑梗不率者傷之以官刑不知懼甚或狡焉以逞於法之外及入梵刹瞻諸佛菩薩妙相不覺五體投地愧汗浹背作善之念油然而生心豈非吾儒政教所不及者佛法有以助之歟若是則余之新斯寺也曷可以已數年以來

太守孝感彭公所以治懷者細大畢舉聞余有是役以爲有裨於化民爲善之意亦樂於觀成焉尤願鄉之人善繼親志及後之銜命以蒞斯土者相繼護持恢擴之俾斯寺永永勿壞是余之至願也夫人其

傳

張母魏淑人傳

古有貴母而以德著者則公服文伯之母稱焉然其所以示訓不過以績教勞因事誘善而已以予聞門下士張子台耀之母魏淑人嘉儀令則動合女宗文伯之母不啻也予因識張子而並識其親慶源之遠厥有自哉金石之事予又何辭因作張母魏淑人傳魏淑人者前河中大叅張公之繼配而予門張子台耀之母也淑人系本甲門王父鵠公雖起家鄉貢然

身任教化所鐸邑尸祝之至今馨馨宗焉父士髦公  
爲春卿散秩母羅氏雅有泰煥矩範舉淑人七日棄  
柩捲士髦公以如母母之始離襁褓卽聰慧有至性  
語及母孺人輒悲咽不自勝十歲能剪綵刺繡容止  
端淑動應女史事後母如母不異所生初淑人父士  
髦公秩比封君里中聞淑人賢爭致禽鴈而士髦公  
弗之許會大叅守開州時元配孟宜人卒大叅公父  
及母馮宜人亦聞淑人賢爲大叅請納徵焉士髦公  
心知大叅公厥後之昌不止五世無煩鳳占矣至大

叅以貳守袁州取道還省親因歸淑人時年僅十有  
三耳以恒情論之或未盡宜家而淑人至身自執饋  
雅嫻內則鷄鳴事宜人與封公羹湯手調錡釜親滌  
大叅公堂中留客牢醴取非時應聲至淑人咄嗟立  
辦又大叅公女弟當祐禱百兩不備淑人冀紆堂上  
憂盡出嫁時裝以佐大叅守袁州挈淑人以從旦日  
出視事簿書錢穀之務頗稱鞅掌淑人從容侍退食  
贊大叅公以廉善顧念姑宜人莫能以晨昏奉匭杖  
則餽省不絕於道大叅由郡相而曹郎由曹郎而監

司獄獄治督餉餉治監河則飛輓以賴備兵則羽  
衛以清叅藩則屏翰以肅皆由淑人治家有體使得  
壹慮專志剔歷中外成一代名臣卽齧公者論以考  
功法大叅處之恬然幅巾歸里開求羊之徑構香山  
之園與二三知舊歲時觴詠爲歡所云子姓鄉鄰間  
玄纁之徵衿悅之施與夫薌合明粢是出脫驂解劍  
是供悉倚辦淑人而大叅公豁落無所與則是高鹿  
門一等矣獨是中更二十餘年先後遭宜人封公喪  
皆在京邸大叅徒跣奔苦次哀毀骨立淑人含涕左

右襄事必誠必敬又淑人父士髦公捐館淑人實隨  
任大梁計至水漿不入口者數日因辭大叅公歸治  
士髦公喪力營宅兆合葬母羅孺人真所謂內外純  
孝存順歿寧者也淑人有丈夫子三人伯奎耀仲斗  
耀季台耀皆以一經傳大叅公禮致名儒帳具之陳  
設脯修之供億百倍恒師人以此多大叅公而卽多  
淑人于是仲也先鳴在先熹廟間成名進士宰澄城  
廉惠有聲壹稟淑人之教惜不竟其用早逝淑人日  
惟勗伯季以力行疆學當大叅公不祿淑人哀踊中

石齋文集 卷之四  
益以過佚前人光是懼則詞激伯季甚厲伯季既免  
喪益攻苦下帷淑人含飴最早聞孫競爽率風雨一  
燈慰勞於淑人至我 國家定鼎龍飛取士孫柟果  
以名薦於鄉淑人慰已而季復於再試春官之年應  
運聯鑣卽予所得士也又孫楷中戊子副車貢入成  
均翩翩鵲起所以爲淑人九熊晝荻之報者正未有  
量台耀旣授百里出宰西鄉淑人以勗仲者而勗季  
三年奏最以異等 內召與蘭臺瑣闥之選豈非聖  
善之訓服膺者深乎淑人翟第之始以大叅公爲民

部郎時遇儲宮禮成覃恩得封宜人後累進今封煌  
煌象服烏奕中閨淑人顧躬自抑損練裳不改不以  
貴倨先里婦蒲地先後罹寇難遺業蕩然淑人起而  
節嗇修息耕問諸奴織先諸婢鴻織畢備悉中程度  
費用復見溫給淑人顧處泰如約不以贏羨而廢儉  
勤垂耄紡績不輟則淑人以身教者也大叅公嘗置  
媵與淑人同舉子而殤淑人慟之甚所生女撫如已  
出視江沱之夫人何止萬萬葛藟蠡羽之荅所由來  
矣淑人性好施嘗裝遺叔之孤女以及族之不瞻者

又虔事金竺宮刹橋路歲歲有所蠲無乏此亦淑人  
 力行其德之一端也淑人素無疾辛卯之歲自季子  
 官邸歸感秋金之氣以肺病終然聞其易簣之前二  
 日猶檢視所藏授諸子手緘二裏待台耀之至端坐  
 而瞑一無怛化豈非深有所見者耶淑人細碎事皆  
 可書書其大者生卒子孫姻婭之詳具載狀志中  
 史氏曰女之有列傳也自范蔚宗始也而後世遂相  
 因緣飾溢美及乎壺第之間夫女為陰教安所得而  
 揚厲之予以知予門者知其母則揚厲之有自矣昔

魏有萃存元君者以笄幃度世淑人其苗裔耶使世  
 之間以內盡矜式其母儀敬姜之教且布於河中彼  
 元君列仙又何足道哉

石齋文集卷之四終

石齋文集

卷之四傳

五

忠孝堂



3  
2

应为

P25

石齋文集卷之四終

其母謝婚美之好且亦然何中好  
其母謝婚美之好且亦然何中好

